



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

XIX. Die Aprilis.

**urn:nbn:de:hbz:466:1-9625**

DANIEL ROSNER  
COADIUT.

Germanus  
Halæ. 18.  
April. 16. 10.  
Soc. 33.

Fides.  
Sacrum.

Hunc è latebris hæreseos in hunc modum eduxit Deus, vt aiunt annuæ. Non aliud illi persuadere poterat primò noster, quàm vt sacrificio immaculato quotidie matutinus adesset. Faciebat id ille quidem haud grauatè: at de perpetua Christi in Eucharistiæ Sacramento præsentia mul-

tum anceps: vsque dum defixis attentè oculis in hostiam sacrosactam tempore sacrificij eleuatam, ipsum in illa Christum viuâ patientis imagine spectabilem sibi ostensum dixit; ac totus primò in S. Matris Ecclesiæ, deinde in Societatis sinum se recepit; querelas, excusationesque miscendi planè ignarus, & otij osor; deuoti laboris, charitatis, & amabilis illius sacramenti, è quo sapere didicerat, longè amantissimus.

Euch.  
Passi  
Christi.

## XIX. DIE APRILIS.

FRANCISCVS  
ABBAS COADIUT.

Italus Meli-  
ta: 6. Maij,  
alij 19. April  
1561.  
ætat. 70.  
Soc. 44.

Humilitas.

Letit.

Angeli.  
Vide annuas  
Melitenses.  
Laborer.

Humili stirpe, at excelsâ virtute vir, humilitate potissimum, vnde si à quopiam rogaretur, & epistolam aliquam perlegeret, respondebat se ignarum, ac rusticanum hominem esse. Nunquam induci potuit, vt crepidis, vel quadrato pileo vteretur. Aiebat se indignum amore illo qui in Societate Coadiutoribus exhibetur. Libellum pium sibi legi curabat: & memoria commendabat quædam Iacoponi apophthegmata, ac alia singularia, quæ opportunè secularibus in medium afferebat sensu magno. Magna illi apud externos autoritas, magna illorum per eleemosynas in illum liberalitas. Si noctu ad portam campanæ sonum audiret, mox vestiebat sese, ac Superiori offerebat vt comes iret Patri ad ægros exituro. Rarè carnis vesceretur. Aiebant passim, illum cum Angelis familiariter agere, atque ab ijs in massa subigenda, & pane apparando pinfendoque iuuari. Inde illi voluptate cœlesti exundans

dans pectus in voces diuini amoris æstu plenas erumpebat. Sancti opinione, ac nomine vulgo celebrabatur. Turcæ ipsi captiui dicebant illo mortuo, mortuum esse sanctum.

IOANNES DISSSEL.  
COADIUT.

Ad omnem obedientiæ actum attentus, nunquam petijt domo vel pedem efferre, nec extulit, nisi iustus. Singularis in illo eluxit erga Patres reuerentia, otij odium, & pietatis exquisitæ donum maximè erga SS. Sacramentum; coram quo expendebat quicquid otij à laboribus illi fuit residuum teneritate planè insigni. Omnes de Societate mirificè amabat. Vnde erga eos, qui dimissi auellebantur, commiseratione maximâ ducebatur quòd bono tanto essent frustrati.

Germanus  
Tegulris. 9.  
April. 16. 10.  
ætat. 77.  
Soc. 53.

Mortif.

P.HIE-



P. HIEREMIAS  
DREXELIUS.

P. LVDOVICVS  
MAGNET.

Germanus  
Monachij.  
19. Ap. 1638.  
ætat. 77.  
Soc. 40.  
Concio.

**V**ir, vt calamo ita moribus religiosè accuratus, & suavis Per ipsos 23. annos, quibus ad Maximilianum Bauariæ Ducem pro concione dixit, nunquam vllum supplementum admisit; eloquentiâ istic eâ vsus, quæ nihil affectatum, tumidum, fucatum redoleret; sed solidum, pium, doctum. Coadiutores nostros domi per ipsos annos 17. domesticis exhortationibus instruxit. Exemplis eloquentem, maguum vitâ; voce, calamo Ecclesiasten, virum inter huius seculi præcipuos vnum, præsentis æui Phœnicem, & Phœbum dixere varij. Aiunt numerum libellorum illius Monachij (taceo typos alios) impressorum ad 170. milia exemplarium excreuisse. Lautam eruditionis apparationem; illi locupletabat silentium; legendi, & notandi assidua consuetudo. Maximilianus Dux de illo ægro dixit ad medicum enixè illum ei commendans; Reipublicæ Christianæ plus interesse Drexelium viuere, quàm faciliè cogitari possit. Nec lacrymæ inuisentium illum Principum ad morientis lectulum abfuerit. Eius effigies tomo 1. operum Antuerpiæ præfixa est, cum elogio vitæ: ad cuius calcem sic de illo perscribitur. Tanti viri laudibus illud accedit, quòd M. Baro Thimon Lindelo, vir & genere, & bellicâ re, multorumque annorum militari imperio insignis de eo, etiam scripto, & iuratus asserbat; videri sibi visum esse non semel P. Drexelium, cum olim verba de tutelari Angelo faceret cælesti luce circumfusum, radijs toto corpore, quæ extabat, coruscure.

Scripta.

Silentium.

Angelus.  
Concio.

**E**tiam cum Prouinciam regeret, ac solerti iudicio præstaret, illud tamen alienæ sententiæ faciliè accommodabat; aiebat verò sibi prudentiæ nihil esse, assecuturum se tamen aliquid consilio sapientum consultorum. Etiam extrema in senecta dixit se sine mora paratum ad suscipiendam Indicam missionem, si ita iuberetur. De alijs & benè sentiebat semper, & nunquam loquebatur malè. Tenera illi inter orandum pieras, & pulchra demissio, vnde suauissimum ei fuit inter orandum asseres cubiculi sui deosculari ac lambere, instar miseri canis coram Deo suo, vt ille de se loquebatur. Frequens illi, ac propè assidua erat oratio etiam coram SS. Sacramento; quæ vt coram Deo esset efficax, clam funem gestabat è collo tanquam reus, in signum demissi animi coram diuina maiestate. Extremis octo vitæ annis se Coadiutoribus adiungebat cum illi à Præfecto spiritus puncta ad meditandum, pro more, acciperent. Per omnem vitâ (dum id per superiores licuit, licuit autem vsq; ad annos decrepitos) manè cum pulsu consueto signum daretur alijs ad surgendum; ille flagio arrepto se cædebat vsque ad finem pulsus. In morbo nihil doloris vnquam se pati præstulit, nihil non accepit quicquid iussu medici offereretur. Postremâ ab exequijs nocte (verba sunt epistolæ de illo Romam præscriptæ) de se per morbum vltimum benè merito Patri cuidam (qui nomen suum taceri voluit) spectabilis iu somnis dicitur adstitisse, compositione corporis, vultuque planè amabili. Cubiculum dicti Patris totum collucere cœpisse, item ipsum demortui cubiculum visum esse

Gallus Mus.  
sponsi. 19.  
April. 1637.  
ætat. 81.

Humilit.

Oratio.

Mortif.

Charitas.

E e longè



longè maiori splendore perfusum. Porro non somniantis vanam fuisse speciem argumento fuit gaudium incredibile quod tum quidem Patrem

cepit, perque multos inde consequentes dies totum tenuit delibutum. Hætenus literæ.

## XX. DIE APRILIS.

MAG. FRANCISCVS  
CAIETANUS SCHOLASTICVS.

Italus Mef-  
fanz 10.  
April. 601.  
ætat 10.  
Soc. 5.

**H**Vnc è Marchione, religiosum, à Philosophiæ curriculo morbus, à Grammaticæ quam docebat Schola, mors, quam ipse prædixit, ipso die Christi morientis abstulit, non minorum virtutum religiosum quàm fuerit eius generis claritudo. Humilitas illi, corporis asperè tractandi seueritas, & perpetua cum Deo coniunctio semper cordi fuit, cuius rei eximia documenta dabit prolixior eius vita. Cum diuinæ synaxi accumberet aliquando, visam affirmant ex eius ore amabilem flammam prorumpere: visitatum etiam à DEIPARA, & cælestibus Angelis extremo in morbo, adeoque post mortem admirandis quibusdam claruisse,

Eusbar.

B.V.

Mora.

P. NICOLAVS  
CVSANVS.

Germanus  
Luxemburgi  
20. April.  
1636 natus  
1774. Soc.  
ingr 1600.

**S**Trenuus planè, ac Religiosus operarius domi & foris per Cœli sæuientis iniurias, per prædonum pericula, per tot molestias, vt fassus fuerit, se persæpè toto corpore contremuisse, cum foras esset eundem ad arduas missiones: ad quas petitâ in triclinio erratorû veniâ, varijs in culina demissionis Officijs, crudelibus in corpus flagris comparabat sese vt irer, & fructum permanfurum afferret. Iter pedes

Mission.

instituebat; & orando aut catechesim tradendo traducebat, non semel in luto collapsus viribus itineri tanto imparibus. Foribus per plures menses cibarius panis, & caseus, pultes, aqua frigida illi erant epulæ, quibus resciretur; terra lectulus, in quo quiesceret. Chirothecis nullâ per totos 30. annos nisi ultimâ vitæ hyeme est vsus; idque, coactus vi morbi. Vno in oppido tantum boni ab eo præstitum aiunt per octo dies, quantum istic à nemine factum fuisse vlla superstitem ætas meminerit. Vbique B. Virginis Rosarium, & vespertinas eiusdem litanias persuadebat in domibus recitandas. Hæc illum Virgo contra calumnias, vt innocentem ira fortem protexit, cum turpitudinis, & hæresis accusaretur ab ijs, qui facillè de alijs ea quæ ipsi faciunt suspicantur, aut mentiuntur. Domum nihil de vitæ foris actæ laxamento vlllo afferebat; accommodatè ad omnem temporis & ordinis disciplinam, & admissæ singulares leges mirificè attentus. Tenerioris ad scrupulos vsque conscientiæ cum esset, scrupulos fugauit nauiter occupatus. Vnde si de quopiam scrupulis obnoxio sermo inferretur, dicebat: Cessabunt illi scrupuli, si egregiè occupetur. Orantis ritus erat, humi genua citra vllum adminiculum ponere, ac lachrymis persæpè verba, quæ pronuntiabat aspergere, quas etiam in triclinio fundebat aliquando lectione mensæ auditâ, quæ illi attentio semper emolumento fuit. SS. IESV nomen, & pronuntiabat suauissimè, nec aliter; nisi aperto, & inclinato

B.V.

Oratio

Hispan  
Madr  
April.  
ætat 8  
Soc. 66  
Superi